

TIL SPRÅKRÅDET

Høyringsfråsegn

Eg sluttar meg til fråsegna frå Gunnar Skirbekk, og legg til:

Nokre retteprogram – alle eg kjenner og har vore utsett for - snevrar inn rettskrivinga ved å gjera ei ordform til den einaste rette når det finst fleire valfrie former. Retteprogrammet gjer då former som er rette til feil.

Desse retteprogramma snevrar òg inn ordvalet, gjer ord ulovlege; vanlege og uvanlege. Retteprogramma stenger på denne måten ute frå språket store deler av det norske ordtilfanget, som er uendeleg og stadig blir større. Desse retteprogramma gjer på denne måten orda i korte ordlister til dei einaste lovlege og rette.

Desse retteprogramma er uttrykk for språkleg inkompetanse og språkpolitisk vilje og maktbruk. Språkform og ordtilfang som har vore gjennom slike retteprogram er representative berre for retteprogramma, ikkje anna. Desse tekstane utgjer korpus av ufri språkbruk; kan analyserast og vurderast einast som det.

Meir grunnleggande og alvorleg er at desse retteprogramma er aktiv språkundertrykking, som bør avvisast og gjerast ulovleg.

ANDERS M. ANDERSEN,
fyrsteamanuensis i nordisk språk og litteratur